

Reglament da salarisaziun dalla pleiv da Falera

Art. 1 Applicaziun

Quest reglament da salarisaziun normescha l'indemnisaziun dallas autoritads e dallas cumissiuns dalla pleiv, nunche regulaziuns specialas fixeschien enzatgei auter.

Art. 2 Indemnisaziun alla suprastonza

Il/La president/a dalla pleiv obtegn in fixum annual da 1'200.-- francs per tutta lavur che pertucca ad el/la tenor ils statuts dalla pleiv.

Il/La cassier/a obtegn in fixum annual da 1'200.-- francs per la lavur en quella funcziun.

Igl/La actuar/a obtegn in fixum annual da 300.-- francs per scriver ils protocols.

Supplementarmein vegnan indemnisadas la lavur prestada ordeifer la pleiv e las spesas effectivas che seresultan da quella lavur.

Art. 3 Indemnisaziun per sedutas

Per la participaziun a sedutas obtegnan tuts suprastonts sco era ils revisurs da quen ina indemnisaziun da mintgamai 50.-- francs.

Art. 4 Schurnadas

Schurnadas en favur dalla pleiv vegnan indemnisadas suandontamein:

- | | |
|---|------------|
| - per ina schurnada (minimum 8 uras) | fr. 200.-- |
| - per ina mesa schurnada (minimum 4 uras) | fr. 100.-- |
| - per in'ura | fr. 25.-- |

Art. 5 Spesas

Per viadis en favur dalla pleiv vegnan bonificai ils cuosts per il bigliet digl auto da posta e dil tren da secunda classa ni per igl autist 60 raps/km.

Tschaveras ordeifer vegnan indemnisadas cun mintgamai fr. 30.-- .

Art. 6 Cumissiuns

Commembers da cumissiuns dalla pleiv vegnan indemnisai tenor las normas dils artechels 3, 4 e 5.

Art. 7 Emploiai e funcziunaris dalla pleiv

Emploiai e funcziunaris dalla pleiv vegnan indemnisai tenor contract da lavur u tenor paga usitada el liug.

Art. 8 Quens

Per tutta lavur supplementara e per tutas spesas eis ei da presentar in quen cun ina cuorta indicaziun dalla lavur prestada. Il quen ha per regla da vegnir visaus dil president dalla pleiv.

Art. 9 Cass dispoteivels

En cass dispoteivels decidan ils revisurs da quen davart l'indemnisaziun per lavurs supplementaras e spesas.

Art. 10 Midadas, alzaments

Ils revisurs da quen examineschan quest reglament silmeins mintga quater onns e fan propostas per eventualas midadas ed alzaments da pagas e d'indemnisaziuns.

Art. 11 Vigur

Quest reglament ei vegnius approbaus dalla radunonza dalla pleiv dils 4 da zercladur 1999. El va en vigur retroactivmein cun igl 1. da schaner 1999.

Il president dalla pleiv: Ignaz Cathomen

Igl actuar: Pius Winzap